



MATERI KHUTBAH JUMAT

HIKMAH IMAN MARANG TAKDIR

Abdul Halim Tri Hantoro, S.Pd.

BAHASA JAWA

Dipunpepaki kaliyan pambikakan kaliyan doa penutup

[GRATIS] LANGGANAN MATERI KHUTBAH FORMAT PDF

Enggal-enggal hubungi WA admin dakwah.id

0895-8060-18090

www.dakwah.id

 @dakwahid

 @igdkwh

Ingin berlangganan materi khutbah Jumat
yang akan langsung dikirim
ke nomer WhatsApp?

Caranya mudah.

Sentuh nomor whatsapp berikut ini:

0895-8060-18090

Atau, bisa juga langsung chat WA ke nomor di atas.

HIKMAH IMAN MARANG TAKDIR

Pemateri: Abdul Halim Tri Hantoro S.Pd.I

إِنَّ الْحَمْدَ لِلَّهِ نَحْمَدُهُ وَنُسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا مَنْ
يَهْدِهِ اللَّهُ فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ
إِلَى يَوْمِ الْقِيَامَةِ. أَمَّا بَعْدُ

عِبَادَ اللَّهِ، أُوَصِّيكُمْ وَنَفْسِي بِتَقْوَى اللَّهِ عَزَّ وَجَلَّ حَيْثُ قَالَ تَبَارَكَ وَتَعَالَى، أَعُوذُ بِاللَّهِ مِنَ الشَّيْطَانِ
الرَّجِيمِ:

يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ وَخَلَقَ مِنْهَا زَوْجَهَا وَبَثَّ مِنْهُمَا رِجَالًا
كَثِيرًا وَنِسَاءً وَاتَّقُوا اللَّهَ الَّذِي تَسَاءَلُونَ بِهِ وَالْأَرْحَامَ إِنَّ اللَّهَ كَانَ عَلَيْكُمْ رَقِيبًا
يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ
يَا أَيُّهَا الَّذِينَ آمَنُوا اتَّقُوا اللَّهَ وَقُولُوا قَوْلًا سَدِيدًا يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ وَمَنْ يُطِيعِ
اللَّهَ وَرَسُولَهُ فَقَدْ فَازَ فَوْزًا عَظِيمًا

فَإِنَّ أَصْدَقَ الْحَدِيثِ كِتَابُ اللَّهِ، وَخَيْرَ الْهَدْيِ هَدْيُ مُحَمَّدٍ صَلَّى اللَّهُ عَلَيْهِ وَسَلَّمَ، وَشَرُّ الْأُمُورِ
مُحَدَّثَاتُهَا، وَكُلُّ مُحَدَّثَةٍ بِدْعَةٍ وَكُلُّ بِدْعَةٍ ضَلَالَةٌ، وَكُلُّ ضَلَالَةٍ فِي النَّارِ. أَمَّا بَعْدُ

Sadaya puji naming kagunganipun Allah *subhanahu wata'ala* piyambak. Inggih punika Dzat kang nguwaosi alam semesta menika. Allah *subhanahu wata'ala* menika Dzat kang Maha Welas lan Maha Asih, ingkang sampun, taksih lan tansah maringi nikmat, taufik lan hidayah dhumateng hambanipun.

Shalawat lan salam mug i tansah dipun paringaken dhumateng junjungan kita, panitan sadaya manungso, nabi akhir zaman; Muhammad bin Abdillah *shallallahu 'alaihi wasallam*. Ugi dhumateng para kulawarga, shahabat, lan tiyang-tiyang ingkang tansah manut lan mituhu dhumateng panjenenganipun.

Kulo tansah wasiati dhumateng badan piyambak, kawulo ingkang alit lan faqir ugi dhumateng para jamaah sadayanipun, mangga sami-sami ningkataken takwa wonten ing dalem Allah *subhanahu wata'ala*.

Allah Ta'ala paring pangandikan,

يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ

“He para wong Mukmin kabeh, sira padha wedia ing Allah kalawan sajatining wedi, lan sira aja padha mati, kajaba mati Islam.” (QS. Ali Imran: 102)

Jamaah shalat Jumat Ingkang Berbahagia

Kita menika wajib pitados bilih Allah *subhanahu wata'ala* menika ingkang nguwaosi sadaya titah. Manawi Allah *subhanahu wata'ala* ngersakaken satunggalipun perkawis kedah kedadosan, cekap Allah ngendika: “Wujuda” bakal wujud sadayanipun.

Allah *subhanahu wata'ala* menika ingkang mangertosi sadaya obah lan tingkahe manungso sanajan taksih wonten saklebetipun manah, perkawis napa kemawon wonten ing astanipun.

Allah Ta'ala paring pangandikan,

إِنَّمَا قَوْلُنَا لِشَيْءٍ إِذَا أَرَدْنَاهُ أَنْ نَقُولَ لَهُ كُنْ فَيَكُونُ

“Sanyata pangandikanipun Ingsun Manawa Ingsun karsa anithahake sawijining barang, iku cukup Ingsun dhawuh: “Anaa !” barang mau banjur ana.” (QS. An-Nahl: 40)

Wonten ing ayat sanes Allah ugi dhawuh:

لِلَّهِ الْأَمْرُ مِنْ قَبْلُ وَمَنْ يَعْذُ

“...Kagungane Allah sakabehing perkara (pitulung lan giliran), sadurunge lan sawuse...” (QS. Ar-Rum: 4)

Jamaah shalat Jumat Ingkang Berbahagia

Allah *subhanahu wata’ala* menika ingkang nentokaken perkawis sakderengipun nitahaken sadaya kedadosan lan ingkang ngatur sadaya ingkang wonten punika kanthi ilmu, kawicaksanan, lan irodahipun.

Sadayanipun sampun dipun takdiraken Allah, lan kita manungso menika sagedipun naming ikhtiyar. Pramila sadaya perkawis wonten astanipun Allah lan ikhtiyar budi daya punika jatah kita manungso. Kita sagedipun ngolah punapa ingkang diparingaken Allah *subhanahu wata’ala*.

Allah gadhah pangandikan,

مَا أَصَابَ مِنْ مُصِيبَةٍ فِي الْأَرْضِ وَلَا فِي أَنْفُسِكُمْ إِلَّا فِي كِتَابٍ مِّن قَبْلِ أَن نَّبْرَأَهَا إِنَّ ذَلِك عَلَى
اللَّهِ يَسِيرٌ

“Ora ana bilahi kang nempuh ing bumi, sarta kang nempuh ing sira, kajaba wus katulis ana ing Kitab (Lauhul Mahfuzh) sadurunge bilahi iku Ingsung lahirake, sanyata kang mangkono mau gampang banget mungguhing Allah.” (QS. Al-Hadid: 22)

Punapa kita kedah wajib iman marang takdir Allah, sarta mboten ninggal satunggaling upaya utawi ingkang kawestanan ikhtiyar? kranten manungsa menika diparingi kemampuan saget mbentenaken perkawis kang sae punapa kang awon.

Allah paring pangandikan,

فَمَنْ شَاءَ اتَّخَذَ إِلَىٰ رَبِّهِ مَآبًا

“Sing sapa gelem, mangka ngalapa pangungsen marang Allah Pangerane.”
(QS. An-Naba’: 39)

Hikmah Iman Marang Takdir

Jamaah shalat Jumat Inkgang Berbahagia

Iman marang takdir Allah *subhanahu wata’ala* menika saget dhatengaken pinten-pinten hikmah, antawisipun:

Setunggal: Ningkataken kesabaran

Iman marang takdir Allah *subhanahu wata’ala* menika saget ningkataken kesabaran, kranten piyambakipun tiyang Islam menika sadar bilih sadaya punapa kedadosan menika saking kuaosipun lan titahipun. Lan ijin naming Allah kemawon ingkang mangertosi napa kang sae kangge kawulanipun.

Allah *subhanahu wata’ala* paring pangandikan,

وَمِنْ آيَاتِهِ الْجَوَارِ فِي الْبَحْرِ كَالْأَعْلَامِ ۚ إِنَّ يَشَأْ يُسْكِنِ الرِّيحَ فَيَظْلَلْنَ رَوَاكِدَ عَلَىٰ ظَهْرِهِ ۚ إِنَّ فِي ذَٰلِكَ
لَآيَاتٍ لِّكُلِّ صَبَّارٍ شَكُورٍ

“Saweneh saka tandha yekti kuwasaning Allah, yaiku prahu kang padha lelayaran, ana ing tengahing segara kang wus saemper gunung-gunung. Manawa dadi kaparenging karsaning Allah, ngendheg angina, ing kono prahu kang lelayaran mau uga banjur mandheg, kumambang kampul-kampul sadhuwuring segara, meski kelakon! Sanyata kang mangkono mau dadi tandha yekti tumrap wong sabar lan akeh syukure.” (QS. Asy-Syūrā: 32-33)

Kalih: Tansah Ikhtiyar

Iman marang takdir Allah ndamel tiyang tansah ikhtiyar lan usaha hanglampahi perkawis ingkang paling sae. Lan kanthi ikhtiyar Allah *subhanahu wata'ala* badhe paring margi gampil.

Allah paring pangandikan,

وَقُلْ اَعْمَلُوا فَسَيَرَى اللّٰهُ عَمَلَكُمْ وَرَسُولُهُ وَالْمُؤْمِنُونَ وَسَتُرَدُّونَ اِلٰى عِلْمِ الْغَيْبِ وَالشَّهَادَةِ فَيُنَبِّئُكُمْ بِمَا كُنْتُمْ تَعْمَلُونَ

“Dhawuha sira Muhammad, Sira padha amal tumandanga ing gawe, mangka Allah lan utusane sarta wong-wong kang padha iman, bakal sumurupuwohing tindakira, lan sira bakal padha dibalekake, sowan ana ngarsaning Pangeran kang ngawuningani barang ghaib, lan kang kaseksen. Tumuli panjenengane anjlentrehake marang sira kabeh saka barang kang padha sira tindakake.” (QS. At-Tawbah: 105)

Tiga: Kaendha saking sifat sombong

Tiyang ingkang iman marang takdir Allah temtunipun ngayektosi bilih napa kemawon kedadosan ingkang kita alami menika saking titahipun Allah, pramila mboten pantes menawi kita tumindak takabbur.

Allah paring pangandikan,

وَلَا تُصَعِّرْ خَدَّكَ لِلنَّاسِ وَلَا تَمْشِ فِي الْأَرْضِ مَرَحًا إِنَّ اللَّهَ لَا يُحِبُّ كُلَّ مُخْتَالٍ فَخُورٍ

“Lan poma sira aja malengosake pipi nira saka manungsa, kaya kalakuane wong ghumedhe, lan sira aja lumaku ana ing Bumi kalawan umuk (semangkean). Satemene Allah iku ora remen marang kabeh wong kang umuk tur kumalungkung.” (QS. Luqmān: 18)

Jamaah shalat Jumat Ingkang Berbahagia

Mekaten materi khutbah Jumat ingkang saget kawulo aturaken, mugi

saget dados pitutur kang manfaat lan nasehat kang minulyo kagem khatib pribadi lan jamaah samudoyonipun.

أَقُولُ قَوْلِي هَذَا وَأَسْتَغْفِرُ اللَّهَ لِي وَلَكُمْ وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ إِنَّهُ هُوَ الْغَفُورُ
الرَّحِيمُ.

KHUTBAH KEDUA

أَحْمَدُ رَبِّي وَأَشْكُرُهُ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ نَبِيَّنَا مُحَمَّدًا عَبْدُهُ
وَرَسُولُهُ

اللَّهُمَّ صَلِّ عَلَى نَبِيِّنَا مُحَمَّدٍ وَعَلَى آلِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ
عِبَادَ اللَّهِ، أَوْصِيكُمْ وَنَفْسِي بِتَقْوَى اللَّهِ عَزَّ وَجَلَّ حَيْثُ قَالَ تَبَارَكَ وَتَعَالَى، أَعُوذُ بِاللَّهِ مِنَ الشَّيْطَانِ
الرَّجِيمِ:

يَا أَيُّهَا الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُوا إِلَّا وَأَنْتُمْ مُسْلِمُونَ
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ إِنَّكَ سَمِيعٌ قَرِيبٌ
مُجِيبُ الدَّعْوَةِ

اللَّهُمَّ أَلْفَ بَيْنٍ قُلُوبَنَا، وَأَصْلِحْ ذَاتَ بَيْنِنَا، وَاهْدِنَا سُبُلَ السَّلَامِ، وَنَجِّنَا مِنَ الظُّلُمَاتِ إِلَى النُّورِ،
وَجَنِّبْنَا الْفَوَاحِشَ مَا ظَهَرَ مِنْهَا وَمَا بَطَنَ، وَبَارِكْ لَنَا فِي أَسْمَاعِنَا، وَأَبْصَارِنَا، وَقُلُوبِنَا، وَأَزْوَاجِنَا،
وَذُرِّيَّاتِنَا، وَتُبْ عَلَيْنَا إِنَّكَ أَنْتَ التَّوَّابُ الرَّحِيمُ، وَاجْعَلْنَا شَاكِرِينَ لِنِعْمِكَ مُتَّقِينَ بِهَا عَلَيْكَ، قَابِلِينَ
لَهَا، وَأَتِمِّمْهَا عَلَيْنَا

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا
اللَّهُمَّ إِنَّا نَسْأَلُكَ الْهُدَى، وَالتَّقَى، وَالْعَفَافَ، وَالْغِنَى

www.dakwah.id

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ
وَصَلَّى اللَّهُ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ
وَأَخِرُ دَعْوَانَا أَنْ الْحَمْدُ لِلَّهِ رَبِّ الْعَالَمِينَ